



Yãmb yem kãm fãa gilli yaa gũuda, la yem kãm fãa gill me, b na n sok-a-la a rũmsã yelle

Yii a ‘Abdullaah [bn ‘Amr nengë, (Wënd yard be b yiibã yĩnga), ti Wënd Tën-tuuma, (Wënd puusg la A tulgr be a yĩnga) a yeelame: «Yãmb yem kãm fãa gilli yaa gũuda, la yem kãm fãa gill me, b na n sok-a-la a rũmsã yelle, limaam yaa gũuda, b na n sok-a-la a bõn-gũudi wã yelle, rao me a yaa gũuda a zakã rãmbë, b na n sok-a lame a bõn-gũudi wã yelle. Pag me yaa gũuda a sidã zakë, b na n sok-a lame a bõn-gũudi wã yelle. Sõgna yë me yaa gũuda a zu-soabã arzekë, b na n sok-a lame a bõn-gũudi wã yelle. Yãmb yembr fãa yaa gũuda, b na n sok-y lame y bõn-gũudi wã yelle» .

[Naşun Şahuhun (Gom-sikdem sën manege)] [B zemsã taab a zugu (A Al-Buḥariy la a Muslim n reeg-a)]

Nabiyaamã (Wënd puusg la A tulgr be a yĩnga) kõta kibare, ti Iislaam fãa sën be zamã wã pugë, a tara yell ti rog a zugu, ti yënd n na n yals n ges-a la a tuk-a, rënd limaam (taoor soaba) la naaba bãmb yaa gũudb ne Wënd sën gũnug-ba, rënd yaa tilae n zao ne yë t'a gũ nebã sãri wã, la a gũ nebã n yi neb sën na n wëg-ba la a zab ne b be wã, la a ra yeeb b hake-rãmbã ye, la raoo, a zak rãmbë, b rogla yëndã t'a yik n yals ne b rulgre, la vum-n-taar sën be neere, la a karem-ba la a zugl-ba, la pag me yaa gũuda a sid zakë, ne a sën na n maneg zakã yel-kënesgo la a wub a koambã, la yaa pagã la yel-kãensã rog yã, la sõagna la yamba la tuum-biiga, b tuk-b lame b zu-soabã argek yelle, ne b sën na n yik n yals ne a gũusgu la b sõgn-a, la b na n sok-b-la yel-kãngã, rënd ned fãa yaa gũud ne bũmb ning b sën bobl ne-a wã, la ned fãa, b na n sok-a lame b sën gũneg-a bũmb ningã.

<https://sunnah.global/hadeeth/mos/show/5819>

